



JABATAN PERKHIDMATAN VETERINAR

LAPORAN LIPUTAN MEDIA

22 JUN 2023, KHAMIS

Permintaan lembu korban merosot

MEDIA

RUANGAN

MUKA SURAT

Sinar Harian

Negeri

25

Permintaan lembu korban merosot

Rata-rata penternak mengakui tempahan lembu korban tahun ini kurang sambutan

Oleh FARHANA YAACOB
MELAKA



MOHD NOR

MOHD FARHAN



Mustafa melihat lembu-lembu yang telah ditempah untuk ibadah korban di kandang lembunya di Batang Tiga, Melaka pada Selasa.

Penternak di negeri ini mengakui tempahan lembu korban pada tahun ini berkurangan berbanding tahun sebelumnya disebabkan beberapa faktor selain kenaikan harga lembu lebih 20 peratus.

Mohd Nor Ismail, 54, berkata, kenaikan harga lembu itu disebabkan kos bahan makan yang meningkat dan kekurangan pekerja ladang, selain rakyat dihipit kos sara hidup tinggi.

Menurutnya, purata harga satu bahagian lembu korban pada tahun ini sekitar RM750 hingga RM850, berbanding sebelum ini antara RM500 hingga RM550.

Malah katanya, sebelum pandemik Covid-19 harga lembu seberat 170 kilogram (kg) hingga 200kg dianggarkan RM4,000 seekor, namun kini harga mencah hingga RM5,000 bagi berat yang sama.

"Begitu juga jika lembu 250kg hingga 280kg, harganya boleh cecah RM5,800 seekor. Disebabkan harganya meningkat,

maka permintaan lembu korban tahun ini agak kurang.

"Jadi, penternak terpaksa naikan sedikit harga lebih-lebih lagi kawasan rumput terhad dan pekerja kurang - menyebabkan 70 peratus bayaran untuk kos operasi sahaja," katanya yang menceburi bidang penternakan lembu dan kambing sejak tahun 2005.

Justeru, dia berharap kerajaan dapat mengubah dasar untuk membantu penternak terus bernafas.

Penternak lembu di Kampung Batang Tiga, Mustafa Mahmud, 62, memberitahu, tahun ini hanya lapan ekor lembu korban miliknya dijual untuk korban berbanding sebelum ini 10 ekor lembu.

Kedadaan ekonomi semasa menyebabkan tidak ramai masyarakat berkemampuan melaksanakan ibadah korban.

Meskipun berdepan dengan kenaikan tersebut, namun dia berusaha menjual dengan harga berpatutan.

"Misalnya, kita beli seekor lembu dengan harga RM4,500 seekor, dalam tempoh tiga bulan kita perlu pastikan berat badan lembu itu menepati syarat untuk dikorbankan dan boleh dijual.

"Dalam tempoh itu kita perlu beri lembu-lembu ini makan banyak, secara tidak langsung kos itu meningkat, namun kita tak boleh naikan harga terlalu tinggi," katanya yang lebih tiga dekad terlibat dalam bidang penternakan lembu.

Sementara itu, penternak lembu di Permatang Pasir Permai Alai, Mohd Farhan Saharudin, 25, juga mengakui per-

mintaan lembu korban pada tahun ini merosot.

Katanya, bukan semua orang berkemampuan menyertai program korban kerana ada kalangan masyarakat mengikat perut untuk survival dengan kehidupan.

"Jika tidak, ramai yang datang ke ladang untuk menempah lembu korban.

"Tapi setakat ini yang datang menempah lembu korban terdiri daripada pihak masjid atau organisasi besar sahaja, individu memang tak ada seperti tahun-tahun sebelum ini," katanya.

Hanya 110 ekor lembu terjual

MEDIA	RUANGAN	MUKA SURAT
Sinar Harian	Negara	16

Hanya 110 ekor lembu terjual

KUBANG PASU - Tempahan lembu bagi ibadah korban pada tahun ini menurun kira-kira 20 peratus berbanding tahun lepas.

Pengarah Urusan Fatimah MZ Agro Farm Sdn Bhd, Zainol Abidin Mohamad berkata, pihaknya menyediakan 300 ekor lembu bagi menampung permintaan pelanggan pada tahun ini.

Bagaimanapun katanya, setakat ini dia hanya menerima tempahan kira-kira 110 ekor sahaja.

"Berbanding tahun lepas kita berjaya jual hampir 200 ekor lembu, mungkin situasi ini disebabkan oleh ekonomi rakyat yang agak lemah ketika ini," katanya ketika ditemui di ladang ternakannya di Jalan Sintok

di sini pada Rabu.

Menurutnya, walaupun harga dedak mengalami peningkatan setiap bulan, namun mereka masih mengekalkan harga lembu antara RM5,400 sehingga RM6,000 seekor mengikut saiz.

"Kalau kita nak kurangkan lagi harga lembu, agak sukar sebab kita terpaksa tanggung kos makanan lembu yang agak tinggi," katanya menambah pihak ladang masih membuka tempahan lembu korban sehingga 28 Jun ini.

Ujar Zainol Abidin, pihaknya juga menyediakan servis penyembelihan kepada pelanggan bagi memudahkan urusan ibadah korban mereka.



Zainol Abidin memberi makanan lembu peliharaannya di ladang ternakannya di Jalan Sintok pada Rabu.

Kucing comel gemar makan durian ioi

MEDIA	RUANGAN	MUKA SURAT
Utusan Malaysia	Dalam Negeri	33

Kucing comel gemar makan durian IOI

SETIAP kali musim durian, ramai pencinta raja buah itu yang berkunjung ke segenap pelosok tanah air untuk mencari buah yang terbaik.

Dalam keghairahan penggemar memburu durian yang terbaik pada harga berpatutan, haiwan peliharaan seperti kucing juga tidak terkecuali menjadi 'penggemar' durian.

Bagi Mohd. Asmawi Ariffin, 37,

pada mulanya dia terkejut dan hairan apabila salah seekor kucing peliharaannya gemar memakan durian.

"Sejak saya bela tiga tahun lalu, kucing saya ini amat gemar makan isi durian IOI. Justeru, saya namakan kucing jantan ini IOI kerana dia sangat pandai menghidu buah durian dan terus menerpa ke arah saya apabila saya tiba di muka pintu rumah

sebaik sahaja pulang dari dusun.

"Sekiranya di luar musim, saya cuma beri dia nasi dan berlauk ikan rebus setiap hari termasuk makanan kering dalam bungkusan," katanya ketika ditemui di Kampung Paya Jakas, di sini.

■ KUCING yang diberi nama IOI gemar makan durian di Kampung Paya Jakas, Segamat.



Lori bawa 50 kambing korban terbalik di Jawa Timur

MEDIA	RUANGAN	MUKA SURAT
Utusan Malaysia	Luar Negara	42

Lori bawa 50 kambing korban terbalik di Jawa Timur

SOLO: Sebuah trak pikap yang membawa 50 ekor kambing untuk ibadah korban sempena perayaan Aidil Adha dilaporkan terbalik di kawasan jalan berhampiran tol Madiun di Solo.

Ketua Unit Lalu Lintas Polis Jawa Timur, Puguh Winarno berkata, kejadian berlaku ketika trak pikap dipandu Isdermawan Heru, 41, dalam perjalanan menuju ke Jawa Tengah dari arah Madiun.

Namun tayar belakang lori itu tiba-tiba pecah menyebabkan kenderaan berkenaan berpu-sing dan melanggar pembahagi lebuh raya sebelum terbalik.

Puluhan kambing yang dibawa tercampak ke tengah ja-lan dan banyak yang cedera se-mentara beberapa ekor dilapor-kan mati.

"Tayar belakang bahagian kanan meletup, menyebabkan

kenderaan itu terbabas ke kiri dan melanggar pembahagi jalan.

"Pemandu dan penumpang trak pikap itu hanya mengala-mi kecederaan ringan tetapi beberapa ekor kambing yang dibawa ada yang mati kerana tercampak ke tengah jalan.

"Banyak yang masih hidup pula kelihatan tidak bermaya dan ada yang tanduknya patah," kata Puguh.

Menurut Puguh, pegawai unit trafik Ngawi dan petugas lebuh raya yang tiba di lokasi kemalangan segera membantu mengalihkan kambing-kambing yang terselamat ke bahu jalan dan menjalankan siasatan di tempat kejadian.

Kambing-kambing yang terselamat dilaporkan dipin-dahkan ke kenderaan lain dan segera dihantar ke daerah Solo.

- AGENSI



PEGAWAI trafik dan petugas lebuh raya membantu mengalihkan kambing-kambing yang terlibat dalam kemalangan di kawasan tol di Madiun.
- AGENSI

35 kes babit kerugian RM568,500 direkod setakat Jun

MEDIA	RUANGAN	MUKA SURAT
Kosmo	Negara	14

35 kes babit kerugian RM568,500 direkod setakat Jun



MOHD. YUSRI

IPOH – Sebanyak 35 kes kecurian haiwan ternakan dengan anggaran kerugian hampir RM568,500 dilaporkan di negeri ini dalam tempoh Januari hingga kini.

Ketua Polis Perak, Datuk Seri Mohd. Yusri Hassan Basri berkata, daripada jumlah itu, 16 suspek lelaki telah ditangkap dengan tiga daripada mereka telah dituduh di mahkamah.

Katanya, pertuduhan terhadap tiga suspek warga tempatan itu dibuat mengikut Seksyen 379 Kanun Keseksaan kerana mencuri.

"Berdasarkan siasatan, kita dapati kes kecurian haiwan ternakan ini melibatkan suspek warga tempatan.

"Setakat ini, kita tidak mengesan penglibatan sindiket dalam kes ini tetapi lebih kepada peluang terbuka ekoran haiwan ternakan seperti lembu dan kerbau ini dibiarkan berkeliaran tanpa jagaan," katanya baru-baru ini.

Beliau memberitahu, pelaku kes ini kebiasaannya menggunakan ubat pelali bagi menjinakkan haiwan ternakan sebelum melarikannya menggunakan lori atau kereta.

Katanya, kes kecurian kebiasaannya berlaku pada waktu malam.

"Tindakan membiarkan haiwan ternakan tanpa kawalan penjaga telah memberi ruang

dan peluang yang mudah kepada penjenayah untuk melakukan jenayah curi," katanya.

Dalam pada itu, beliau mengingatkan penternak agar lebih bertanggungjawab menjaga ternakan masing-masing sekali gus tidak membiarkannya berkeliaran di kawasan terbuka hingga menimbulkan masalah lain.

"Selain kecurian, tindakan membiarkan haiwan ternakan tanpa kawalan penjaga juga menyebabkan berlaku kemalangan jalan raya hingga meragut nyawa.

"Malah, terdapat juga aduan berkaitan ternakan memusnahkan tanaman penduduk dan masalah najis serta bau busuk di

kawasan kediaman.

"Sepatutnya penternak lebih bertanggungjawab menjaga ternakan masing-masing dengan menternak haiwan itu di lokasi sesuai terutama dalam kandang," katanya.

Mohd. Yusri berkata, pemilik haiwan ternakan yang membiarkan haiwan merayau tanpa kawalan boleh dikenakan hukuman di bawah Akta Kerajaan Tempatan 1976 Undang-Undang Kecil Pelesenan Haiwan Ternakan dan Haiwan Merayau 2014.

"Kesalahan tersebut boleh dikenakan kompaun antara RM500 sehingga RM2,000," katanya.

'10 ekor lesap, kami hanya dapat tahi'

MEDIA	RUANGAN	MUKA SURAT
Kosmo	Negara	14

Mahu jual semua lembu lepas kecurian menjadi-jadi

'10 ekor lesap, kami hanya dapat tahi'

Oleh ABDUL RASHID ABDUL RAHMAN, LUQMAN RIDHWAN MOHD. NOR dan ASLIZA MUSA

BENTONG – "Kami dapat tahi tetapi mereka dapat kemewahan," bentak seorang penternak lembu yang kecewa apabila kes kecurian lembu semakin menjadi-jadi dekat daerah ini.

Rahman Kassim, 60, yang terlibat dalam penternakan lembu sejak 20 tahun lalu berkata, kes kecurian lembu menyebabkan dia kerugian sekali gus membuatnya mempertimbangkan untuk menjual semua lembu.

"Tahun ini sahaja sudah 10 ekor lembu saya hilang dengan purata seekor sebulan, saya terpaksa tanggung rugi kerana kos penjagaan dan makanan lembu ini juga tinggi yang mana lembu

saya diletakkan di kandang pada waktu malam.

"Akibat kecurian, sasaran untuk menjual 30 ekor lembu korban tahun ini tidak kesampaian yang mana saya hanya mampu jual 10 ekor lembu korban selepas ambil kira pelbagai faktor," katanya yang mempunyai kira-kira 200 ekor lembu yang ditenak di ladang sawit Sertik, dekat sini.

Katanya, kecurian yang berlaku tahun ini melibatkan enam ekor lembu jantan yang sesuai untuk korban dan empat lembu betina baka brahman yang besar.

Katanya, kecurian berlaku secara berperingkat bermula Januari lalu dengan sekurang-kurangnya dua ekor sekali hilang dipercayai dilakukan oleh kumpulan pencuri pada waktu siang.

"Akibat kehilangan lembu itu,

tiga ekor anak lembu saya sedikit terencat kerana tidak mendapat penyusuan yang baik.

"Pada Mei dan Jun ini tiada lembu saya yang hilang kerana kerap buat pemantauan, namun rakan-rakan penternak lain terus menjadi mangsa kecurian termasuk seekor lembu rakan saya hilang baru-baru ini," katanya.

Seorang lagi penternak, Halim Ahmad, 57, berkata, kes kecurian lembu yang semakin kerap telah lama berlarutan sejak 2010 menyebabkan penternak berasa gusar dan sering berhadapan kerugian.

Dia memberitahu, kejadian kecurian ini berlaku hampir di semua kawasan ladang yang mempunyai penternakan lembu seperti di Sertik, Mempaga, Lakum dan Lebu, dekat sini.



SEBAHAGIAN daripada halwan ternakan di Sertik, Karak dekat Bentong yang menjadi sasaran pencuri lebih-lebih lagi menjelang musim perayaan.

Tindakan lepas ternakan memudahkan kerja pencuri

MEDIA	RUANGAN	MUKA SURAT
Kosmo	Negara	14



TINDAKAN penternak melepaskan haiwan peliharaan tanpa pemantauan membuka peluang kepada pencuri. – GAMBAR HIASAN

Tindakan lepas ternakan memudahkan kerja pencuri

BATU GAJAH – Tindakan penternak yang melepaskan lembu-lembu dari kawasan ladang berpagar sehingga enam jam lamanya membuka ruang kepada penjenayah untuk mencuri haiwan ternakan itu.

Menurut seorang penternak, Mohd. Zain Zainal Abidin, 47, rata-rata penternak di daerah ini akan melepaskan lembu peliharaan masing-masing dari kawasan ladang yang berpagar untuk meragut di tempat lain kira-kira pukul 12 tengah hari.

"Biasanya ternakan ini dilepaskan sehingga tiga atau empat kilometer jauhnya dari kawasan ladang berpagar dan akan menghambatnya pulang kembali sekitar pukul 6 petang.

"Dalam tempoh waktu berkenaan, pelbagai perkara boleh berlaku melibatkan haiwan ternakan masing-masing termasuklah ia dicuri," katanya kepada *Kosmo!* semalam.

Katanya, sudah menjadi kelaziman sekiranya terdapat beberapa ekor lembu berkenaan gagal dikesan sewaktu dihambat pulang pada waktu petang.

"Penternak biasanya akan

mencari sehingga lewat malam haiwan berkenaan yang ada kalanya berada tidak jauh dari kawasan ragut seperti di kawasan taman atau kampung berdekatan.

"Ada juga lembu-lembu berkenaan yang pulang lebih awal ke kandang masing-masing. Disebabkan itu ada dalam kalangan penternak tidak berasa risau sekiranya haiwan itu gagal dikesan pada waktu petang," katanya.

Seorang lagi penternak, K. Murugan, 36, berkata, mereka biasanya akan menunggu lembu-lembu yang hilang sehingga tiga atau empat hari sebelum melaporkan kehilangan berkenaan kepada pihak berkuasa.

Ini kerana, katanya, haiwan ternakan tersebut biasanya akan pulang dalam tempoh waktu berkenaan sekiranya ia gagal ditemui pada hari ia dilepaskan dari kandang.

Jelasnya, ia juga sukar bagi penternak untuk mengesan ternakan ketika dihambat pulang kerana ada dalam kalangan mereka membela antara 20 hingga 100 ekor haiwan.

Ipoh council and ISPCA working together to deal with stray dog issue

MEDIA	RUANGAN	MUKA SURAT
The Star	News	4

Ipoh council and ISPCA working together to deal with stray dog issue

STRAY dogs in Ipoh, Perak, now have a better chance of survival following the agreement reached between Ipoh Society for the Prevention of Cruelty to Animals (ISPCA) and Ipoh City Council (MBI).

MBI has agreed to send captured stray dogs to a new shelter in Simpang Pulai set up by ISPCA and several non-governmental organisations.

Called Claw Matter, the shelter that operates as a halfway home for strays to be neutered and released, started operations on May 17.

ISPCA president Ricky Soong said MBI's enforcement team would send the captured strays to the shelter once a week.

He said Claw Matter could handle only 20 dogs at the premises every two weeks and house a maximum of 60 animals at a time.

"Once they are sent here, we will take the animals to a veterinary clinic for a check-up, get them neutered and tagged with a microchip

"Before putting them up for adoption, we will check if they are healthy or not.

"Some dogs can be feral and are not suitable as pets," Soong told reporters after observing the first batch of captured stray



Soong (left) and MBI officers witnessing the first batch of captured stray dogs arriving at Claw Matter. — ILI AQILAH/The Star

dogs sent by MBI to Claw Matter.

The halfway home-cum-shelter was set up to reduce the number of stray dogs being released near the Papan landfill and for ISPCA to run its trap, neuter and release (TNR) programme.

Among the other non-governmental organisations involved are Perak Animal Welfare Society, Mutts and Mittens, Utopia Pertubuhan Penyayang

Haiwan, Ipoh Stray Welfare and Protection Society, Ipoh Jaya Animal Haven, Gimme Hope and Kiko Food Bank.

Soong said the majority of stray dogs rescued by NGOs had not been adopted.

"It is sad that in all the years we have been taking in stray dogs, no one has ever come to adopt them.

"We hope there will be kind animal lovers out there who will be interested in adopting

these furry friends.

"Right now, we don't accept walk-ins to the shelter.

"Anyone interested in adopting can go to our Facebook page at ISPCA Online Adoption Forum," he said.

WATCH THE VIDEO
TheStarTV.com



Tempahan lembu untuk korban berkurangan 20%

MEDIA	RUANGAN	MUKA SURAT
Harian Metro	Lokal	19

Tempahan lembu untuk korban berkurangan 20%



ZAINOL Abidin memberi lembu temakan untuk dijadikan lembu korban makanan ketika ditemui di ladangnya di Changlun. - Gambar NSTP/SYAHARIM ABIDIN

Jitra: Kelembapan ekonomi yang melanda negara ketika ini menyebabkan tempahan lembu bagi ibadah korban

berkurangan sehingga 20 peratus berbanding tahun lalu.

Pengarah Urusan Fati-

mah MZ Agro Farm Sdn Bhd Zainol Abidin Mohamad berkata, pihaknya menyediakan 300 lembu bagi me-

nampung permintaan pelanggan pada tahun ini bagaimanapun sehingga kini, pihaknya hanya menerima

tempahan untuk 110 lembu.

"Berbanding tahun lalu kita berjaya jual hampir 200 lembu, mungkin situasi itu disebabkan oleh ekonomi rakyat yang agak lemah ketika ini.

"Selalunya pada tempoh ini menjelang seminggu sebelum Aidiladha, tempahar sudah banyak tetapi tahun ini agak berkurangan," katanya ketika ditemui di ladang ternakannya di Jalan Sintok, di sini, semalam.

Zainol Abidin berkata, pihaknya masih mengekalkan harga lembu antara

RM5,400 hingga RM6,000 seekor mengikut saiz walaupun harga dedak mengalami peningkatan harga setiap bulan.

"Kalau kita nak kurangkan lagi harga lembu agak berat sebab kita terpaksa tanggung kos makan lembu yang agak tinggi.

"Melainkan jika harga dedak dikurangkan, insya-Alah kita boleh tawarkan harga lembu yang lebih rendah," katanya.

"Tahun lalu, kita berjaya jual hampir 200 lembu"
Zainol Abidin

TERIMA KASIH

DISEDIAKAN OLEH:

**UNIT KOMUNIKASI KORPORAT
JABATAN PERKHIDMATAN VETERINAR**